

FR. PETRARCHÆ

NONDUM EDITA

EPISTOLA



PRÆCLARO ANTISTITE  
JOSEPHO CAPELLARI  
ECCLESIAM VICENTINAM  
ADEUNTE  
HANC FR. PETRARCHÆ EPISTOLAM  
PUBLICI JURIS  
ANTONIUS MENEGHELLI  
FACIEBAT



---

AD

PHILIPPUM DE VITRIACO (1)

FACTUM EPISCOPUM MELDENSEM

\*\*\*\*\*

**C**ongratuler, an vero compatiar, amantissime pater atque optime, quod quum maxime necessaria quies esset, tum maxime tibi super impositum laborem video, et praedulcibus studiorum curis jucundissimoque otio, praedura negotia et episcopalem sollicitudinem successisse? Heu! quoties Augustus Caesar, ut unico et omnium altissimo sim contentus exemplo, quoties hac aetatis parte, quam nunc degis, ut laborem dimitteret, de dimittendo imperio cogitavit! Testatur quaedam ejus epistola ad Senatum missa, in qua erat, ut privatam agere sibi liceat et liberam senectutem, quam procul ab illo fastigio honoratam sibi spondere non dubitabat. Tu cum honoratus esses et quietus, omniumque liberrimus, quos

ego nossem, ultro laborem et voluntariam servitutem subiisti: dum nodosis atque inextricabilibus, et a falce repullulantibus plenum curis pontificium es amplexus, prorsus magno animo et excelso, qui propriae quieti et honestissimae voluptati tuae utilitatem publicam praetulisti. Proposito igitur tuo gratulor, compatioque fortunae, atque illud hortor in primis, ut quod invito animo suscepisti, indefessa constantia prosequaris, gloriam in terris, in caelo autem stabiliora quaedam praemiorum genera meriturus. Haec tibi raptim scribere visum est expectante nuntio, cum aliud quod scriberem non haberem, praesertim ut scires ubinam terrarum sum. Ad ripam Rodani rursus me compulit sors; utinam, antequam roter iterum, te visurum! Tu vive feliciter, et vale, nostri memor.

Avenione X. cal. novembris (2).

---

## ADNOTATIONES

---

(1) **N**onnullas ad Philippum de Vitriaco Petrar-  
chae habemus epistolas. Fuit vir nobilitate, divitiis,  
sapientia clarissimus. Gens autem Vitriaca summo-  
rum virorum ditissima. Inter hos primum tenet lo-  
cum Jacobus de Vitry, auctor Historiae Hyerosolimae,  
qui floruit ineunte saeculo XIII. Haec epistola, juxta  
codicem Parisiensem, est XIV. lib. XI. Famil.

(2) De more desideratur annus. Videtur missa an-  
no 1351.

---

PATAVII

TYPIS MINERVÆ

M. DCCC. XXXII







**TRADUZIONE**  
**DI UNA LETTERA LATINA**  
**DI**  
**ANGELO GABRIELI**

STAMPATA L'ANNO 1502, DESCRITTIVA LE FESTE DATE  
IN VENEZIA E NELLO STATO VENETO AD ANNA PRINCI-  
PESSA DI FRANCIA, CHE PASSAVA IN DETTO ANNO A  
SPOSARE LADISLAO RE D'UNGHERIA.



**TRADUZIONE**  
**DI UNA LETTERA LATINA**  
**DI**  
**ANGELO GABRIELI**

STAMPATA L'ANNO 1502, DESCRITTIVA LE FESTE DATE  
IN VENEZIA E NELLO STATO VENETO AD ANNA PRINCI-  
PISSA DI FRANCIA, CHE PASSAVA IN DETTO ANNO A  
SPOSARE LADISLAO RE D'UNGHERIA.

